

60
166

EPISTOLA
CONVENTUS
CLERI GALLICANI
AD UNIVERSOS
ECCLESIAE GALLICANÆ
PRÆSULES.



PARISIIS,
Apud FREDERIC. LEONARD Regis, Serenissimi Delphini
& Cleri Gallicani Typographum, viâ Jacobæâ.

M. DC. LXXXII.
CUM PRIVILEGIO REGIS.

THE UNIVERSITY OF CHICAGO

PHYSICS DEPARTMENT

PHYSICS 354

LECTURE 10

STATISTICAL MECHANICS

LECTURER: JOHN H. COLEMAN

DATE: 1963

REVISION: 1

3

ILLUSTRIS SIMIS AC REVERENDISSIMIS
ARCHIEPISCOPI S
 ET EPISCOPI S
 IN TOTO GALLIARUM REGNO
 CONSTITUTIS.

*ARCHIEPISCOPI
 ET EPISCOPI
 CÆTERIQUE ECCLESIASTICI VIRI
 ACLERO GALLICANO DEPUTATI*
Mandato Regio Parisiis Congregati.
 SALUTEM.

REVERENDISSIMI AC RELIGIOSISSIMI
 CONSACERDOTES.

NON Vos latet concussam aliquatenus
 nuper fuisse Ecclesie Gallicane pacem, quando-
 A ij

quidem nos misit Vestræ Fraternitatis Charitas ad illud periculum propulsandum.

S. Cypr. I. de Unit. Eccl.

Fidenter cum B. Cypriano pronuntiamus ;
CHARISSIMI COLLEGE, *Christum*, ut unitatem manifestaret, unam *Cathedram* constituisse, & unitatis originem ab uno incipientem suâ *Auctoritate* disposuisse ; *Eumque*, qui *Cathedram Petri*, super quam fundata est *Ecclesia*, deserit, in *Ecclesia* non esse ; qui verò *Ecclesia* unitatem non tenet, nec *fidem* habere. Quare nihil nobis antiquius fuit statim atque congregati sumus in nomine *Christi*, quàm ut unius *Corporis*, quod nos omnes esse in clamat *Apostolus*, unus esset *spiritus*, nec essent in nobis *schismata*, nedum vel minima cum totius *Ecclesiæ* Capite dissensionis suspicio. Hoc autem cò magis pertinuimus, **HONORATISSIMI PRÆSULES**, quòd cum Pontificem impræsentiarum nobis providit **DEUS OPTIMUS MAXIMUS**, quem ob eximias, quibus abundè præditus est, omnium Pastoralium virtutum dotes, non modò *Ecclesiæ* *Petram* ; sed etiam tanquam *Fidelium* atque in omnibus exemplum bonorum operum, debemus jure merito venerari.

Math. 18.

Ephes. 4.

1. Cor. 1.

1. ad Tim. 4.
Ad Tit. 2,

Hanc nostræ concordia, & ad tuendam Ecclesiæ unitatem conspirationis ideam tam piè, tam doctè, tam facundè in omnium nostrum animis præformavit Illustrissimus Orator,

qui primus quasi nostrorum Comitiorum os
aperuit, dum Spiritus Sancti gratiam & auxi-
lium communibus votis, sacrificante Illustrissi-
mo Parisiensi Archiepiscopo, nostro dignissi-
mo Præside, invocavimus; ut inde nostri Con-
ventus felicissimum exitum ominati sint uni-
versi.

Non dubitamus equidem, **CONSACER-
DOTES REVERENDISSIMI**, quin
pergratum Vobis fuerit, quod à Regis no-
stri Christianissimi pietate obtinuimus, quod-
que vicissim ad pacem servandam, ac tanti
Principis gratiam conciliandam, simul & ad
memoris nostri animi testificationem rependi-
mus; quodque tandem scripsimus ad Sanctissi-
mum Pontificem. Sed operæ pretium esse duxi-
mus aliquid ulterius explicare, ne quid un-
quam contingat, quod possit Ecclesiæ quie-
tem ordinisque tranquillitatem tantisper com-
movere.

Sanè, cum vel ad levissimam discordiæ
umbram unusquisque nostrum exhorruerit, exi-
stimavimus maximè nos Ecclesiæ unitati profu-
ruros si certas Regulas conderemus; vel potius
antiquas in fidelium memoriam revocaremus,
quibus tota Ecclesia Gallicana, quam *nos regere*
posuit Spiritus Sanctus, ita secuta esset, ut nemo
unquam vel deformi assentatione, vel abruptâ

Ag. 20.

A iij

Prov. cap. 22 *falsæ libertatis cupiditate, terminos transgredere-
tur quos posuerunt Patres nostri; sicque nos ab
omni dissensionis periculo explicata veritas li-
beraret.*

Quandoquidem verò non modò tenemur
Catholicorum paci studere, sed etiam procu-
randæ eorum reconciliationi, qui à *Christi Spon-
sâ segregati adultera conjuncti sunt*, & à *promissis
Ecclesia separati*; adhuc ea ratio nos impulit, ut
eam aperiremus quam veram esse arbitramur,
Catholicorum sententiam: sic enim factum iri
speravimus, ut *nemo amplius fidelium fraternita-
tem mendacio fallat, aut fidei veritatem perfidâ præva-
ricatione corrumpat*; & qui in Romanam Ecclesiam,
erroris nobis afficti specie, velut in repro-
batam Babylonem hætenùs debacchati sunt,
quia mentem nostram vel ignorarunt, vel se
ignorare simularunt, detractâ tandem falsitatis
larvâ, à calumniis suis impofterùm temperent, &
in suo schismate, quod tanquam ipsâmet Idolo-
latriâ detestabilius crimen execratur Augustinus,
diutiùs non perseverent.

Profitemur itaque, **ILLUSTRISSIMI PRÆ-
SULES**, quamvis *duodecim, quos elegit JESUS
& Apostolos nominavit*, sic, ad regendam in
solidum suam Ecclesiam, constituerit, ut essent
pari, sicut loquitur S. Cyprianus, *honoris & po-
testatis consortio præditi*, Primatum tamen Petro

S. Cyp. lib.
de Unit. Eccl.

ibid.

S. Aug. Ep.
162.

Lucæ 6.

S. Cyp. de
Unit. Eccl.

divinitus fuisse concessum ; quod & ab Evangelio
 discimus, & tota docet Ecclesiastica Traditio.
 Quare in Romano Pontifice, Petri Successore,
Summam, licet non solam, cum B. Bernardo, à
 Deo institutam Apostolicam potestatem venerati,
 servato crediti nobis Christi Sacerdotii hono-
 re, Claves primùm uni traditas esse, ut unita-
 ti fervarentur, cum sanctis Patribus, Ecclesiæ-
 que Doctoribus prædicamus; sicque Summorum
 Pontificum, seu quoad fidem, seu quoad gene-
 ralem Disciplinæ Morumque reformationem,
 decretis fideles omnes censemus esse obnoxios,
 ut supremæ illius spiritualis Potestatis usus per
 Canones totius orbis observantiâ consecratos
 determinandus moderandusque sit: si qua autem
 ex Ecclesiarum dissensione, gravis difficultas
 emerferit, *Major*, ut loquitur Leo Magnus, *ex*
toto orbe Sacerdotum numerus congregetur, generalif-
que Synodus celebretur, quæ omnes offensiones ita
aut repellat, aut mitiget, ne ultrà aliquid sit vel
in fide dubium, vel in Charitate divisum.

S. Bern. lib.
 3. de Confid.

S. Leo Epist.
 24. ad Theo-
 dof. August.

Cæterùm, FRATRES RELIGIOSISSIMI,
 cum Respublica christiana non Sacerdotio tan-
 tum, sed etiam Regum & *Sublimiorum Pose-*
statum Imperio gubernetur; ita quoque ut prospe-
 ximus, ne schismatibus dividatur Ecclesia, sic &
 debuimus omnibus Imperii tumultibus, Popu-
 lorumque motibus obviam ire, in eo præsertim

Regno, in quo tot olim, specie Religionis, perduelliones exortæ sunt, ac propterea Regiam authoritatem, quoad temporalia, à Pontificiâ liberam esse pronuntiavimus, ne si forte Ecclesiastica Potestas crederetur aliquid moliri, quod temporalem minueret, christiana tranquillitas turbaretur.

Rogamus porrò fraternitatem pietatemque vestram, REVERENDISSIMI PRÆSULES, ut quondam Concilii Constantinopolitani primi Patres rogabant Romanæ Synodi Episcopos, ad quos Synodalia sua gesta mittebant; ut de iis, quæ, ad Ecclesiæ Gallicanæ perpetuò sartam, tectam, conservandam pacem explicuimus, nobis *congratulemini*, & idem nobiscum sentientes, eam, quam communi Consilio divulgandam esse censuimus, doctrinam in vestris singulis Ecclesiis, atque etiam Universitatibus & Scholis vestræ Pastoralis curæ commissis, aut apud vestras Diœceses constitutis, ita procureris admitti, ut nihil unquam ipsi contrarium doceatur. Sic eveniet ut, quemadmodum Romanæ Synodi Patrum consensione Constantinopolitana universalis & œcumenica Synodus effecta est, ita & communi nostrum omnium sententiâ noster Confessus fiat nationale totius Regni Concilium; & quos ad vos mittimus doctrinæ nostræ articuli, fidelibus venerandi & nunquam

Epist. Synod.
Conc. Const.
I. ad Conc.
Rom.